

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 75. sjednici, održanoj dana 04.04.2025. godine, d o n o s i

ZAKLJUČAK

I.

Zadužuju se Općina Tešanj i Općina Usora da bez odlaganja djeluju zajednički i na partnerskim osnovama, u skladu sa Presudom Ustavnog suda Federacije Bosne i Hercegovine, broj: U-11/17 od 12.09.2017. godine („Službene novine Zeničko-dobojskog kantona, broj: 13/17 i „Službene novine Federacije BiH“, broj: 91/17) i pozitivnim zakonskim i podzakonskim propisima iz oblasti voda, i da Ministarstvu za poljoprivredu, šumarstvo i vodoprivredu dostave u roku od 15 dana, a najkasnije u roku od tri mjeseca, konačan Prijedlog odluke o zonama sanitarne zaštite i zaštitnim mjerama za izvorišta koje se nalazi na teritoriji općine Tešanj i općine Usora, a što uključuje bunare B-1, B-2 i B-3 locirani na teritoriji Općine Tešanj i bunare B-4 i B-5 locirani na teritoriji Općine Usora.

II.

Zadužuje se Općina Tešanj i Općina Usora kao i nadležni operator, koji je do sada upravljao sistemom, da u skladu sa pozitivni propisima iz oblasti voda i iz svoje nadležnosti poduzmu sve odgovarajuće mjere zaštite izvorišta koja se nalaze na teritoriji općine Tešanj i općine Usora, a što uključuje bunare B-1, B-2 i B-3 locirani na teritoriji Općine Tešanj i bunare B-4 i B-5 locirani na teritoriji Općine Usora, i to putem mjera zabrana, ograničenja i drugih oblika kontrole ljudskih aktivnosti radi smanjenja rizika od zagađenja izvorišta ili drugih uticaja koji mogu nepovoljno djelovati na izvorišta, njihovu izdašnost, kvalitet i zdravstvenu ispravnost vode.

III.

Zadužuje se Ministarstvo za poljoprivredu, šumarstvo i vodoprivredu da po ispunjavanju uslova iz tačke I ovog zaključka, odmah a najkasnije u roku od tri mjeseca nakon dostavljenog kompletnog i konačnog Prijedloga odluke o zonama sanitarne zaštite i zaštitnim mjerama, nakon prethodnog konsultovanja javnosti i pribavljenjih saglasnosti općine Tešanj i općine Usora, prema Vladi Zeničko-dobojskog kantona uputi konačan Prijedlog odluke o zonama sanitarne zaštite i zaštitnim mjerama za izvorište koje se nalazi na teritoriji općine Tešanj i općine Usora.

IV.

Za realizaciju ovo zaključka zadužuju se Općina Tešanj, Općina Usora i Ministarstvo za poljoprivredu, šumarstvo i vodoprivredu, svako u okviru svojih nadležnosti.

V.

Zaključak stupa na snagu danom donošenja.

Broj: 02-_____/25

Datum, 04.04.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Općina Tešanj, putem Ministarstva,

1x Općina Usora, putem Ministarstva,

1x a/a.